

金錄齋十迴度人三朝開收儀

體九

三儀同卷

體九

金錄十迴度人早朝開收儀

金錄十迴度人午朝開收儀

金錄十迴度人晚朝開收儀

金錄十迴度人早朝開收儀

宣齋意

經

心開悟解受持讀誦

至心歸依十方道寶當願衆生起心回向一切信禮

師

普法攝無有障礙

宿命讚

宿命有信然 弱喪謂之無 皆欲眼前見
過目即言悠 大賢明道教 慘戚憫頑夫
依依念子苦 勤勤令我憂

第一迴開經文

禮九

臣恭以鴻濛立極真文已蘊於太空龍漢開
圖元始肇生於祖劫神風既鼓道炁初凝結
八會之龍章成三元之鳳篆天地萬化因之
而建立陰陽四時由是以運行道方河洛之
圖書並行不悖功比羲文之卦象未足爲多

臣今欽奉

綸音崇修金籙延禧大齋幾晝夜臣今引領
官衆升壇策一迴轉詠太上洞玄靈寶無量
度人上品妙經朝禮某誥各一徧仰依
無上三寶慈尊十方諸天大聖慈悲願力主

盟經功伏願金口暢玄琅函啓祕發先天之
蘊奧出太古之篇章俾率土之濱普天之下
咸皆解悟靡不蒙恩稽首虛皇修行經法

敷座吟

諷經畢

解座吟

爲諸來生作善因緣如蒙開悟仰荷玄恩

回向

臣恭以大明生於東東者少陽之位萬物出
乎震震乃雷門之方是故陽激搏以有聲雷

禮九

奮發而破贖諸天稱善躍然共讚於靈音一
國傾心至此始聞於至道所謂聾病開聰之
義蓋即經功取象之言臣適來引領官衆升
壇轉詠太上洞玄靈寶無量度人上品妙經
一徧徑用回向

東方無極太上靈寶天尊東方玉清降福天
尊東方青元青天九炁天君東斗注算星君
青帝護魂君日宮太丹鬱儀炎光太陽帝君
天垣帝座星君東方木德始陽青皇上真道
君歲星真君東方氐宿星君房宿天駟星君
心宿天王星君天市垣列宿星君天蠲宮尊
神卯宮宋分列宿星君東方無極無量品至
真大神飛天神王長生大聖無量度人君東
華司命真君本命太歲祿馬尊神齋壇應感
一切真靈乞以經功願力安鎮東方甲乙大

火之次鎮安

國祚保固天根伏願玉宇垂芒珠躔順緯東
華主筭木公錫不老之年木德致昌東斗注
長生之字降禎祥之有兆致福慶於無窮稽
首歸依旋行讚頌

附一九

智惠頌旋至東方

三

太上玄虛宗 弘道尊其經 俯仰以得仙
歷劫無數齡 巍巍大真德 寂寂因無生
霄景結空構 乘虛自然生 日月為炳炳

安和樂未央

高功於東方恭文

宣表關焚化

宣二迴開經文

臣恭以五篇玉宇生於太空之先諸天内音
顯自赤明之劫義蘊奧而冥見文曲折以難
詳八角垂芒由洞陽之冶鍊九光浮瑞自流
火之騰輝宜寶秘於上宮不輕宣於下俗臣
欽奉

綸音崇修金錄延禧大齋幾晝夜以今引領
官衆升壇第二迴轉詠太上洞玄靈寶無量

度人上品妙經朝禮寶誥仰依
無上三寶慈尊十方諸天大聖慈悲願力主
盟經功伏願開明此道啓沃臣心庶幾雲笈
之披宣宛若天真之降授金真流響上通三
素之天玉章洞虛廣演十華之妙有聞梵語
皆證殊功稽首虛皇修行經法

敷座吟

諷經畢

解座吟

回向

臣恭以地二生火火為至陽之精明兩作離
離乃南方之卦既重明以麗乎中正俾萬方
皆覩於光輝自天尊說經教以來

皇極衍基圖之大巍巍至道蕩蕩難名臣適
來引領官衆升壇轉誦太上洞玄靈寶無量

禮九

度人上品妙經第二徧徑用回向

南方無極太上靈寶天尊南方延壽益算天
尊南方大丹天三炁天君南斗上生君赤帝
養炁君南方太微垣帝座星君南方火德丹
天赤皇上真道君熒惑星君柳星天厨星君

星宿天庫星君張宿天秤星君午宮周分列
宿尊神獅子宮尊神南方無極無量品至真
大神飛天神王長生大聖無量度人君南極
司錄府真君本命太歲祿馬尊神齋壇應感
一切真靈乞以經功願力安鎮南方丙丁鷄
火之次鎮安

國祚保固天根請福致祥延生保命伏願赤
文告命黃道順躔南斗上生有壽考期頤之
慶東華注福享和平安靜之榮民興禮樂之
風國有文明之治稽首歸依旋行讚詠

智惠頌

學仙絕華念
念念相因積
去來亂我神
神躁靡不歷
滅念停虛間
蕭蕭入空寂
請經若飢渴
持志如金石
保子飛玄路
五靈度符籍

體九

高功於南方恭文

宣表關焚化

宣三迴開經文

臣恭以靈圖未煥真文深隱於延康正道當
行道君降生於玉國於是元始上帝俾以飛

天妙書任居上清紫微宮命主洞玄靈寶教
若無量上品特洞玄一卷之名其奧義微辭
則神霄衆經之祖巍巍大梵歷歷難詳臣今
引領官衆升壇第三迴轉誦太上洞玄靈寶
無量度人上品妙經朝禮寶誥仰依

無上三寶慈尊十方諸天大聖慈悲願力主
盟經功伏願金真受簡玉女開函悉披理於
祕文爲恢弘於至道細微塵大沙界皆悟靈
音下地緯上天經同生妙化稽首虛皇修行

經法

敷座吟

諷經畢

解座吟

回向

臣恭以天尊設教宏開衆妙之門元始懸珠

登引十方之聖是謂無量上品結成妙有本章義貫重玄功施不宰于以安鎮國祚于以保固天根上德難名真玄莫測臣適來引領官衆升壇轉誦太上洞玄靈寶無量度人上品妙經經用回向

西方無極太上靈寶天尊西方八卦護身天尊
尊西方太素天七炁天君西斗記名君白帝
侍魄君月宮黃華素曜元精太陰皇君天垣
帝座星君金德太素少陰白皇上真道君太
白星君胃宿天倉星君昴宿天目星君畢宿
體九
天耳星君酉宮趙分列宿星君金牛宮尊神
六
西方無極無量品至真大神飛天神王長生
大聖無量度人君西靈司錄府真宰本命太
歲祿馬尊神齋壇應感一切真靈乞以經功
願力安鎮西方庚辛大梁之次端為集福延

禧尊安

社稷伏願

一人有慶重譯來朝玉宇金書紀善名於西
斗珠星壁月呈瑞彩於中天永樂太平咸臻
清靜稽首歸依旋行讚詠

智惠頌

濟我六度行

故能解三羅

持齋禮太素

吐納養雲芽

逍遙金闕內

玉京為余家

自然生七寶

人人坐蓮花

仰瞻玄都柰

俯酣空洞瓜

容顏耀十日

奚計年劫多

法鼓會羣仙 鳴鍾徵大魔

高功於西方恭文

宣表闕焚化

宣四迴開經文

臣恭以五劫開化一氣歸元衆星拱北辰上

體九

七

森羅於萬象六天橫北道下統御於羣魔惟
靈寶之本章乃上清之要道威制天政則日
月停景璇璣不行嚴攝北艷則魔精喪膽鬼
妖滅爽是以出書度世保天長存修之者得
道飛仙乘雲而遊四海奉之者留形住世垂

統而永萬年臣今欽奉

綸音崇修金籙延禧大齋幾晝夜臣今引領
官衆升壇第四迴轉誦太上洞玄靈寶無量
度人上品妙經朝禮寶誥仰依

無上三寶慈尊十方諸天大聖慈悲願力主
盟經功伏願太真按筆靈妃侍軒煥玉字於
太空絢瓊文於祕笈振玄門之鼓吹隱韻琳
琅漲道海之波濤玄恩曠蕩飛潛動植咸賴
生成稽首虛皇修行經法

敷座吟

諷經畢

解座吟

回向

臣恭以說經四徧玄玄之妙義宏深稱慶諸
天渺渺之空歌流響臣適來引領官衆升壇
轉誦太上洞玄靈寶無量度人上品妙經第四
徧徑用回向
北方無極太上靈寶天尊北方消災解厄天
尊北方太玄天五炁天君北極紫微垣帝座
星君北斗落死星君黑帝通血君北方水德

太冥陰元黑皇上真道君辰門星君女宿天
女星君虛宿天卿星君危宿天錢星君子宮
齊分列宿星君寶瓶尊神北方無極無量品
至真大神飛天神王長生大聖無量度人君
北真司危府星君本命太歲尊神紫堂星煞
體九
齋壇應感一切真靈乞以經功願力安鎮北
方壬癸玄枵之次伏願萬聖臨軒諸天稱慶
增延

睿筭與天地以長存廣大

皇圖等山河而永固梯航入貢玉帛來朝稽

首歸依旋行讚詠

智惠頌

靈風扇奇花

燦爛開繁祿

紫煙鬱重秀

衆仙彈玉琴

雅歌三天上

散惠玉華林

七祖升福堂

由此步玄音

前世德未足

斯書邈難尋

信道情不盡

圖飛乃反沈

太上無為道

弘之在兆心

高功於北方恭文

宣表關焚化

三聞經

萬罪永消善芽增長

聞經已後當願衆生深入法門歸依信受

永斷執迷常親正教

發願

復鑪

禮九

下壇

謝師

回向

金錄十迴度人早朝開收儀

金籙十迴度人午朝開收儀

宣齋意後

三歸依

宿命讚

宣五迴開經文

臣恭以至隆騰勝之鄉超無色界碧落浮黎之境即始青天昔虛皇將闡道之時開法會特說經於此初登獅座上其周迴十過猶可得聞既入黍珠中則祕密一真其誰能識是謂象外之象要識玄中之玄臣今欽奉

綸音崇修金錄延禧大齋幾晝夜臣今引領
官衆升壇第五回轉誦太上洞玄靈寶無量
度人上品妙經朝禮寶誥仰依

無上三寶慈尊十方諸天大聖慈悲願力主
盟經功伏願開紫陽之祕笈出元始之禁書
啓迪羣蒙發揮萬有琳琅振響自成空洞之
音雲漢分章洞煥太空之色有情有識悉見
悉聞稽首歸依修行經法

敷座吟

諷經畢

解座吟

回向

臣恭以萬物成終成始皆在良方五行一生
一成終歸土數自立春之應候宜生氣之騰
升蓋內陽外陰至此而始交泰自含靈負性

禮九

十

何患其不生成臣適來引領官衆升壇轉誦
太上洞玄靈寶無量度人上品妙經第五徧
徑用回向

東北方無極太上靈寶天尊紫清降福天尊
東北始青天梵炁天君天一紫炁道曜星君

尾宿天雞星君箕宿天津星君斗宿天廟星
君牛宿天機星君丑寅二宮吳燕分野列位
星君磨蝎二宮尊神東北方無極無量品至
真大神飛天神王長生大聖無量度人君本
命太歲祿馬尊神紫堂神煞官衆齋壇應感
一切真靈乞以經功願力延福致祥添齡益
筭伏願五星同色九曜順行紫炁灌斗牛祥
瑞下呈於地寶東維騎箕尾英賢上補於天
官自作善而降百祥以建極而敷五福稽首
歸依旋行讚詠

智惠頌

學道由丹信 奉師如至親 挹景偶清虛
孳孳隨日新 衆人未得度 終不度我身
大願有重報 玄德必昭然 陰惡罪至深
對來若轉輪

禮九

十

高功於東北方恭文

宣表關焚化

宣六迴開經文

臣恭以九霄三十六天莫貴於真王大帝度
人六十一卷咸宗於無量本章蓋彼或專主

一事而言在此則總攝一乘之義修仙學道
卓有奇功保國寧家具存正法蓋源遠則波
瀾衍溢本大而枝葉扶疎者也臣今欽奉

綸音崇修金錄延禧大齋幾晝夜臣今引領
官衆升壇第六迴轉誦太上洞玄靈寶無量
度人上品妙經朝禮寶誥仰依

無上三寶慈尊十方諸天大聖慈悲願力主
盟經功伏願天開此道帝誘其衷悟妙義於
一時怡然順理聞靈音於六轉昭若發蒙福
及邦家慶流藩屏見前法衆妙振靈音稽首

虛皇修行經法

敷座吟

諷經畢

解座吟

白白

臣恭以六名東南巽爲卦炁語其時則夏之
初立萬物潔齊考其數則水之旣成一元歸
本夫以至學之搬運妙在醴泉之流通是故
齒落更生乃玉液朝泥丸之效髮白返黑亦
金精飛肘後之功倘知妙理之歸即悟神化

之道臣適來引領官衆升壇轉誦太上洞玄
靈寶度人上品妙經第六徧徑用回向

東南方無極太上靈寶天尊東南方長生保
命天尊東南始青天梵炁天君神尾計都墜
曜星君翼宿天都星君天垣帝座星君軫宿

禮九

十二

天街星君角宿天門星君亢宿天庭星君辰
巳二宮尊神鄭楚分野列宿星君天秤雙女
二宮尊神東南方無極無量品至真大神飛
天神王長生大聖無量度人君本命太歲祿
馬尊神紫堂神煞官衆三界官屬應感真靈

乞以經功願力安鎮東南壽星鶉尾之次延
福致祥增年益算伏願開明三景回度五常
龍角之次杓明發為祥兆鶉尾之間星正散
作福基稽首歸依旋行讚詠

智惠頌

學道亦甚苦

晨昏建福田

種德猶植樹

積基而成山

子能耽玄上

飄爾升青天

修是無為道

常與善結緣

太上至隱書

名曰智慧篇

福國由大材

超俗以得仙

靈姿世所奇

曄若淵中蓮

高功於東南方恭文

宣表關焚化

宣七迴開經文

臣恭以靈寶本章玄都祕典其五篇敷落有
安天鎮地之功其萬範開張有導運御世之

體九

十三

力何故名經之義獨指度人而言豈不以人
為萬物之靈則必以

君為天下之主人者三才之貴無人則曷見
天地之心其稱名也宜哉其取類也遠矣臣

今欽奉

綸音崇修金籙延禧大齋幾晝夜臣今引領
官衆升壇第七迴轉誦太上洞玄靈寶無量
度人上品妙經朝禮寶誥仰依

無上三寶慈尊十方諸天大聖慈悲願力主
盟經功伏願弘宣道化大振玄風庶幾沈潛
反覆之餘默契冥惠洞清之妙鎮安國祚祈
請福祥所願者從不求而獲在壇法衆妙報
靈音稽首虛皇修行經法

敷座吟

諷經畢

解座吟

回向

臣恭以物養乎坤形體總歸於地大火成於
七氣神皆養於心君內修鍊氣之方外盡養
形之術故得頭童齒豁乃復化為朱顏骨弱

筋柔今居然成壯力蓋說經之異效亦聖化
之同仁臣適來引領官衆升壇轉誦太上洞
玄靈寶無量度人上品妙經第七迴徑用回
向
西南方無極太上靈寶天尊西南方福生無

量天尊西南方始素天梵炁天君天垣帝座
星君太一月孛暗曜星君觜宿天屏星君參
宿天水星君井宿天井星君鬼宿天饋星君
申未二宮尊神西南方無極無量品至真大
神飛天神王長生大聖無量度人君本命太

體九

十四

歲祿馬尊神紫堂神煞官衆三界官屬應感
真靈乞以經功願力安鎮西南方鶉尾之次
保命延年迎祥集福伏願祥開雲漢光照人
寰井鬼守房順經躔於星度觜參總斗妙運
轉於天關福祥駢集於命官貴祿常扶於運

限稽首歸依旋行讚詠

智慧頌

人行各有本

皆由宿世功

立德務及時

發願莫不從

善惡俱待對

倚伏理難窮

賢士奉法言

道亦在兼忘

解是大智慧

上為太極公

寶蓋連玉輿

命駕御九龍

金華擎洞經

捧香悉仙童

嘯歌徹玄都

鳴玉扣瓊鐘

高功於西南方恭文

宣表闡變化

宣八迴開經文

臣恭以元始出書雖主無量度人之義神仙
內學蓋有脫胎神化之功粵自寶珠五丈之
高縣已具金汞九還之妙理日月停景當舍
光默默之時山嶽藏雲正調息綿綿之際三
尸滅而三界侍衛覽五炁理而五帝司迎及乎
玄珠丹成聖功胎就金房度命直爲金闕之
登庸玉簡刊名可與玉京之遊宴臣今欽奉
綸音崇修金籙延禧大齋幾晝夜臣今引領
官衆升壇第八迴轉誦太上洞玄靈寶無量

度人上品妙經朝禮寶誥仰依
無上三寶慈尊十方諸天大聖慈悲願力主
盟經功伏願身乘三素之雲項負九光之像
烏兔鬱羅於一室獅鶴備守於四方令臣等
口誦心惟造大量玄玄之地神交意會悟至
無寂寂之機普願有情均證無漏同壇法衆
妙振靈音稽首虛皇修行經法

敷座吟

諷經畢

解座吟

回向

臣恭以天地以生物爲心功成不宰靈寶以
度人立教道濟無窮故經功八徧之周迴符
乾道一元之變化旣各正於性命宜皆得於
生成蓋高下洪纖自色自形而無間胎卵濕
化不殯不殍以何憂神異竒哉玄恩大矣臣
適來引領官衆升壇轉誦太上洞玄靈寶無
量度人上品妙經第八迴徑用回向
西北方無極太上靈寶天尊西北方九宮捍
厄天尊西北方始玄天梵炁天君天垣帝座

星君神首羅睺建曜星君室宿天廩星君壁
宿天市星君奎宿天將星君婁宿天獄星君
戌亥二宮魯衛分野列位星君白羊雙魚二
宮尊神西北方無極無量品至真大神飛天
神王長生大聖無量度人君本命太歲祿馬

體九

十六

尊神紫堂神煞官衆齋壇應感一切真靈乞
以經功願力安鎮西北方降婁娠訾之次保
命延年迎祥致福伏願神符鎮魯衛之分天
文煥奎壁之星身命運限之宮常興善瑞年
月日時之否悉化亨貞凡有守以有爲俱無

災而無害稽首歸依旋行讚詠

智慧頌

竦身凌太虛 超景逸紫清 保元持法網

遊玄極逍遙 萬劫猶昨夜 千春如晨朝

巍峩蔭雲華 手攀寶林條 香烟自然生

玄階興扶搖 靈幡順風散 繁想應時消

滅智弘大混 無為為清謠

高功於西北方恭文

宣表闢焚化

三聞經

發願

夜鑪

下壇

謝師

回司

帶九

金錄十迴度人午朝開收儀

金錄十迴度人晚朝開收儀

宣齋意後

三歸依

宿命讚

宿命有信然

弱喪謂之無

皆欲眼前見

過目即言愆

大賢明道教

慘戚憫頑夫

依依念子苦

勤勤令我憂

宣第九迴開經文

臣恭以洞玄赤書空青紫字九霞煥彩皆芒

金角玉之文八龍成章亦刻玉鑄金之字祕

於上清之境寒靈之殿盛以立空之案霜羅
之中日月得之以運行終古不息

帝王得之而保鎮萬世太平猗歟盛哉蔑以
加矣臣今欽奉

綸音崇修金籙延禧大齋幾晝夜臣今引領
官衆升壇第九迴轉誦太上洞玄靈寶無量
度人上品妙經朝禮寶誥仰依

無上三寶慈尊十方諸天大聖慈悲願力主
盟經功伏願玄真啓迪上聖提攜神光照燭
於慧源道炁流通於靈府令臣等研精覃思

豈略通大義之可為索隱鉤深必洞明至言
而後已功沾水陸善及邦家稽首虛皇修行
經法

敷座吟

諷經畢

解座吟

回向

禮九

十八

臣恭以九為陽極宜感名於天真兌乃金成
故發泄於地藏天不愛道而圖書出世地不
愛寶而金玉露形昔老君降蜀都亦感地涌

玉局虛皇遊西國自然地薦黃金蓋神功不
約而同其靈應何常之有臣適來引領官衆
升壇轉誦太上洞玄靈寶無量度人上品妙
經第九徧徑用回向

上方無極太上靈寶天尊上方保命護身天
尊天垣帝座星君紫微垣列位星君中天北
斗七元星君三台華蓋中宮一切星衆上方
無極無量品至真大神飛天神王長生大聖
無量度人君本命太歲祿馬尊神紫堂神煞
官屬齋壇應感一切真靈乞以經功願力安

鎮紫微中天黃道之次保命延生迎祥集慶
伏願奉刻玉鑄金之簡顯連珠合璧之祥齊
七政在玉衡靡差躔次轉一炁開壽域俱入
鈞陶福佑邦家恩沾海宇稽首歸依旋行讚
詠

太極頌

體九

十九

大道雖無心 可以有情求 佇駕空洞中
迴盼翳滄流 淨明三界外 蕭蕭玉京遊
自無玄挺運 誰能悟冥趣 落落天漢澄
俯仰即虛柔 七玄散幽夜 返胎順沈浮

冥期苟潛凝

陽九無娛憂

覩此去來會

誰復爲淹留

外身而身存

真仙會良儔

高功於上方恭文

宣表關焚化

宣十迴開經文

臣恭以上品度人蓋諸天之所共寶明真有
格必四萬劫以方傳於是真經降世寰宇嚮
風迨徐葛相傳則靈寶之科大備林王繼出
則神霄之教復明然後服氣養生之方保國
寧家之術層見疊出井井乎其有條兼容併

包恢恢乎其不漏其道可謂大矣雖聖又何
加焉臣今欽奉

綸音崇修金籙延禧大齋幾晝夜臣今引領
官衆升壇第十迴轉誦太上洞玄靈寶無量
度人上品妙經朝禮寶誥仰依

無上三寶慈尊十方諸天大聖慈悲願力主
盟經功伏願於皇大道有赫高真成周迴十
過之功盡終始一經之義八方六合悉皆涵
泳於仁風寸地尺天莫不沾濡於法雨同壇
清衆妙振靈音稽首虛皇修行經法

敷座吟

諷經畢

解座吟

回向

高功存思如初

體九

二十

臣恭以誦上品之真必十過而成數修聖胎
之法須十月以成功鼎器法乎乾坤火候取
於復姤故得玄珠有象玉音成形存乎我則
復命歸根純陽被體施於人則延生保命在
世長年蓋經功丹道理則同歸在學士至人

修之自見臣適來引領官衆升壇轉誦太上
洞玄靈寶無量度人上品妙經第十迴徑用
回向

下方無極太上靈寶天尊下方興大福力天
尊中央土德祖炁中皇上真道君鎮星真君
中斗大魁星君下方無極無量品至真大神
飛天神王長生大聖無量度人君本命太歲
祿馬尊神紫堂神煞官衆齋壇應感一切真
靈乞以經功願力安鎮下方十二分野所屬
之地伏願中斗總靈鎮星四據列居錯峙正

分度於周天翕受敷施兆禎祥於寰宇凡在
懷生之物同瞻有赫之光伏願妙化旁周嘉
祥駢集十方悉陶於聖化萬國咸歸於至仁
蠢動含靈俱沾恩澤稽首歸依旋行讚詠

太極頌

體九

二十一

亶亶玄中趣 湛湛清漢波 代謝若循環
椿木不改柯 靜心念至真 隨運順離羅
感應理常通 神識逮自徂 淡遊初無際
繁想洞九霄 飛根散玄葉 理返非有他
常能誦玉章 玄音徹霄霞 甲申洪災至

控翮王母家 永享無終紀 豈知年劫多

高功於下方恭文

宣表關焚化

宣普嘆經文

詳夫道本無言非言無以傳道經非待誦因

誦而後知經昔混沌之未形於篇章而何有

恭惟

大羅元始玉晨道君凝梵炁於虛無鍊真文
於浩劫乃於始青浮黎之國說此洞玄靈寶
之經懸一黍於天中引衆真於珠內敷弘至

妙開化含生混洞赤文首述化生諸天之妙
元洞玉曆復明保制劫運之功敷落五篇周
迴十過復出大梵隱語靈書中篇光照十方
字長一文皆上帝內名之隱韻難可尋詳迨
皇人受命於天尊爲之訓解上以安天而鎮
地下以阜物而康民祕在上宮不傳下世自
漢武帝得之於西王母斯道以傳及徐真人
授之於葛仙翁其書亦廣惟此無量上品獨
爲諸卷統宗今日臣等欽奉

綸音崇修大教按金錄大齋之式舉度人轉

經之儀當願諸天下觀衆真保舉五帝之玉
童玉女營衛神文八威之金虎金龍護持寶
笈五色鬱勃以陳瑞四氣朗清以效祥調順
天經三辰五星之軌道鎮安國土九州四海
之升平

帝祚洪延民生富庶知音誦者無不辟無不
度無不禳自天祐之得其名得其祿得其壽
然後五服六親之眷屬俱保康寧九州四海
之臣鄰咸臻亨泰根莖甲拆各安生化之天
鱗甲羽毛咸適逍遙之樂願與三界有緣之

衆同歸一乘最上之機法衆虔誠收經如法

高功收經讚

三聞經

納官

復鑪

下壇謝神王

謝師

回向

金錄十迴度人晚朝開收儀



